

**BOSNA I HERCEGOVINA
FEDERACIJA BOSNE I HERCEGOVINE
KANTONALNO TUŽILAŠTVO
TUZLANSKOG KANTONA TUZLA**

Broj: T03 0 KTK 0089849 20
Tuzla, 22. 1. 2021. godine

**OPĆINSKOM SUDU
U BANOVIĆIMA**

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine, **podizem:**

O P T U Ž N I C U

PROTIV OSUMNJIČENOG:

Tufekčić Nevzeta, sina Sulejmana, rođen 5.1. 1963. godine u Grivicama, općina Banovići, **neosuđivan.**

Što je:

U vremenskom periodu od 1. 8. 2014. godine do 31. 12. 2017. godine, u Banovićima, kao odgovorna osoba - direktor JU Centar za socijalni rad Banovići (dalje; Centar), svjestan da svoja ovlaštenja direktora Centra iskorištava u namjeri da sebi pribavi protivpravnu imovinsku korist a što je i htio, ovlaštenja direktora Centra, propisana Pravilima JU Centar za socijalni rad Banovići broj: 01-35-313/03 od 14. 4. 2003. godine (dalje; Pravila), iskoristio na način da je, postupajući suprotno;

- članu 23. stav 1. tačka 27 i članu 25. stav 1. Pravila, kojim je propisano da je direktor odgovoran za zakonitost rada Ustanove,
- članu 15. stav 1. Odluke o plaćama i drugim materijalnim pravima članova organa upravljanja javnih preduzeća i javnih ustanova čiji je osnivač Općina Banovići, broj: 10/01-02-145/11 od 31. 5. 2011. godine (dalje; Odluka o plaćama I) i članu 13. stav 1. Odluke o plaćama i drugim materijalnim pravima članova organa upravljanja javnih preduzeća i javnih ustanova čiji je osnivač Općina Banovići broj: 10/03-02-283/14 od 29. 10. 2014. godine (dalje: Odluka o plaćama II), kojima je propisano da se mjesečna neto plata za direktora JU Centar za socijalni rad Banovići utvrđuje u iznosu od 1,4 prosječne plaće isplaćene u Federaciji Bosne i Hercegovine u prethodna tri mjeseca prema posljednjem obavljenom podatku Federalnog zavoda za statistiku,
- te suprotno članu 2. Ugovora o visini mjesečne plaće direktora JU Centar za socijalni rad Banovići broj: XI-05-49-1167/2015 od 22. 7. 2015. godine (dalje; Ugovor) zaključen između Upravnog odbora JU Centar za socijalni rad Banovići i direktora JU Centar za socijalni rad Banovići, kojim je obračun plaće direktora usklađen sa pomenutim Odlukama o plaćama I i II,

službenici Centra H.H, raspoređenoj na radne poslove i zadatke blagajnice i referenta za obračun plaća, naredio da prilikom obračuna plaće za direktora Centra tj za njega, ne primjenjuje odredbe Odluka o plaćama I i II i Ugovora, već da obračun plate vrši i iskazuje na obračunskim – platnim listama na način koji je primjenjivala do tada, a po kojem je koeficijent za obračun plaće direktoru iznosio cca 10,10 a mjesečna neto plaća prije oporezivanja na ovakav način obračuna bila više za cca 140,00 KM na mjesečnom nivou od pripadajuće, nakon čega je od kraja 2016. godine pa sve do 31.12.2017. godine, nakon što su novelom Pravilnika o radu broj X10539-111-2017/1 od 13. 1. 2017. godine, izmijenjeni koeficijenti za sve službenike JU Centar za socijalni rad Banovići, prilikom usklađivanja aplikativnog software-a koji koristi službenica za obračun plaća u smislu automatske obrade podataka, od programera I.D iz Tuzle, tražio da interface (vanjski izgled aplikacije na ekranu svakog računara) za obračun plate direktoru, prilagodi novim pravnim aktima, ali da tom prilikom predvidi rubriku i koeficijent koji bi i dalje na programski način nivelisao plaću direktora na istu vrijednost kao što je bila do tada, što je I.D i učinio, te pored pripadajućeg koeficijenta za direktora od 1,4 dodao još jednu rubriku i vrijednost od 1,10 a u koju dodatnu rubriku je službenica za obračun plaća unosila podatke za direktora, a koji je rezultat u konačnici davao istu visinu plaće direktora kao u prethodnom periodu, pa je mjesečna neto plaća bez odbitaka poreza i dalje bila viša za iznos od cca 140,00 KM na mjesečnom nivou, na koji način je sebi pribavio protivpravnu imovinsku korist u iznosu od 5.714,76 KM i za isti iznos oštetio JU Centar za socijalni rad Banovići.

Dakle, kao službena osoba u institucijama Federacije BiH iskoristio svoja ovlaštenja i sebi pribavio imovinsku korist,

Čime je počinio krivično djelo – **Zloupotreba položaja ili ovlaštenja – iz člana 383. stav 1.** Krivičnog zakona Federacije Bosne i Hercegovine,

Prijedlog tužioca:

- 1. Predlažem da se osumnjičenom, po članu 76. KZ-a FBiH, IZREKNE sigurnosna mjera ZABRANE OBAVLJANJA RUKOVODEĆIH SLUŽBENIH I DRUGIH ODGOVORNIH DUŽNOSTI U ORGANIMA UPRAVE I JAVNIM USTANOVAMA u trajanju od 5 (Pet) godina, računajući od dana pravosnažnosti odluke,**

s tim da se vrijeme provedeno na izdržavanju kazne zatvora ne uračunava u vrijeme trajanja ove sigurnosne mjere.

- 2. Predlažem da se od osumnjičenog, po čl. 114 - 116 KZ-a F.BiH, ODUZME IMOVINSKA KORIST pribavljena izvršenjem krivičnog djela u iznosu od 5.714,76 KM**